

ДЬУЛУРБАН



түһүлгэ дуораана

Үбүлүөйдээх чемпионатка Саха сиригэр бокс сайдыбыта 70 сылыгар аналлаах



Чурапчы дьоллоох туонатыгар боксаҕа РСФСР уонна Саха АССР үтүөлээх тренерэ Арсен Петров кэриэтингэр республика чемпионата түмүктэннэ.

Быйылгы түһүлгэ уратылаах, бу көрүн сайдыбыта 70 сылыгар ананна. Бастагы чемпионат 1956 с. тэриллэн турардаах. Түүрт күн устата барбыт үбүлүөйдээх күрэхтэһии түмүгүнэн бастыннарынан буоллулар:

48 кг **Эрчим Пестряков** (Мирнэй), 51 кг **Дьулуур Иванов** (Дьокуускай), 54 кг **Андрей Егоров** (Хагалас), 57 кг **Рамазон Мамаджонов** (Мирнэй), 60 кг **Александр Сергучев** (Мэнэ-Хагалас), 63,5 кг **Александр Иванов**, 67 кг **Саид Максимов** (иккиэн Ньурба), 71 кг **Альберт Каратаев** (Бүлүү), 75 кг **Андрей Портнягин** (Уус-Алдан), 80 кг **Игорь Никифоров** (Өлөөн), 86 кг **Антон Голиков** (Дьокуускай), 92 кг **Петр Егоров**, 92-тэн үөһэ кг **Владимир Колесов** (иккиэн Мэнэ-Хагалас).

Маныха Петр Егоров Саха-тын сиригэр уон төрдүс төгүлүн чемпионнаабытын бэлиэтиир тобоостоох. Бу республика боксатын историятыгар саҥа мунутуур ситиһии. Онон республика 14 төгүллээх чемпиона 39 саастаах Петр Егоров «Боксаҕа бэринилээбин иһин» диэн анал бириһинэн бэлиэтэннэ.

Күөн күрэс түмүктэринэн спорт үтүөлээх маастара **Василий Егоров** санаатын үлэһиннэ: «*Кэнники сылларга Саха сиригэр чемпионатыгар бу маньык үрдүк таһымнаах тэрээһини саҕардыды көрдүм. Чурапчылар олус үчүгэйдик бэлэмнээн, тэрийэн ыттылар. Күрэхтэһиини элбэх киһи кэлэн көрдө, бары даҕаны биһирээтилэр.*

Чемпионнар үчүгэй киришиллэри көрдөрдүлэр. Холобур, 60 киһлэбэ **Александр Сергучев**, **Александр Иванов** (63,5 кг). Финалга 54 киһлэбэ **Андрей Егоров** уонна **Ренат Захаров** киришиллэрэ ордук үчүгэй буолла. **Петр Егоров** уон төрдүс төгүлүн чемпион-

наабыта эмиз биш ураты түгэн. Кини эмиз бэркэ киристэ. Бастаан утарылаһааччытын нокаут саайда, финалга эдэр, кыахтаах уолу бэркэ хотто.

Мин ордук **Саиша Иванову**, **Саиша Сергучеву** бэлиэтии көрдүм. Бу улахан дьонно саҥа ааттар. Инникитин кэскиллээхтэр дии санаатым».

Мэнэ-Хагалас хамаандата үс кыһыл көмүс мэтээллээх үтүө түмүгү көрдөрдө. Мирнэй, Ньурба уонна Дьокуускай иккилии чемпионнаахтар.

Күрэхтэһии бастыг боксерун аатын Ньурба эдэр боксера **Александр Иванов** ылла. Бастыг техника уонна тактика иһин бириис **Александр Сергучевка** ананна. Бастыг киришинэн **Андрей Егоров** — **Ренат Захаров** көрсүһүлэрэ ааттанна. Кыайыыга дьулурун иһин анал бириһинэн Чурапчыттан **Артур Григорьев** бэлиэтэннэ. Эдэр кэскиллээх боксер аатын **Роберт Харитонов** ылла. Бастыг судьуйа — **Игорь Ефимов** (Сунтаар), Бастыг тренер — **Василий Шестаков** (Мэнэ-Хагалас).

Гаврил СТРУЧКОВ.

Ааптар хаартыската.

сонуннар ситимнэрэ

Тютрин, Рассадин кыайдылар

Александр Медведь кэриэтингэр көнүл тустууга норуоттар икки ардыларынааҕы турнирга саха бөбөстөрө үчүгэй көрдөрүүнү ситистилэр.

Син эмиз Ярыгин турнирыгар курдук, бу да сырыыга **Арыяан Тютрин** (57 кг) уонна **Виктор Рассадин** (70 кг) атыттаран үчүгэй тустууну көрдөрөн, бэйэлэрин быйааһыннарыгар бастаатылар. Бу кыайыы кинилэргэ, сотору кэминэн бытыллыахтаах Азия уонна Европа чемпионаттарыгар ситиһиилээхтик кытталларыгар олук буоларыгар баҕарабыт!

Маны тэнэ Минскэй түһүлгэтигэр **Яков Павлов**, **Виктор Яковлев** (иккиэн 61 кг) уонна **Николай Сивцев** (79 кг) — үһүс миэстэбэ тахсан, боруонса мэтээллэринэн наҕараадаланнылар.

Халдеев хапсаҕайа

Ааспыт өрөбүл күннэргэ **Борофонно**, көнүл тустууга ССРС, хапсаҕайга Саха АССР, хурешка РСФСР спортгарын маастара, Саха сиригэр үтүөлээх тренерэ **Иннокентий Андреевич Халдеев** кэриэтингэр республикагааҕы таһымнаах хапсаҕай бытылынна.

Уолаттарга, эр дьонно уонна аҕам саастаахтарга барыта 200-чэкэ бөбөс күөн көрүстэ. Түмүккэ эр дьон бөлөбөр бэйэлэрин быйааһыннарыгар бастаатылар: 57 кг — **Дмитрий Иванов** (Кэбээйи), 65 кг — **Егор Находкин** (Дьааны), 75 кг — **Ньургустан Брошев** (Бүлүү), 85 кг — **Олег Фомин** (Чурапчы), 95 кг — **Александр Халыев** (Таатта), 95-тэн үөһэ кг — **Евгений Алексеев** (Уус Алдан).

Оттон саастарынан бөлөхтөргө мунутуур кыайылыахтары быһаарар түһүлгэ тэриллитигэр бастагы миэстэлэри ыллылар: уолаттарга — **Артур Слепцов**, эр дьонно 75 кг дьылы — **Ньургун Терентьев**, 75-тэн үөһэ кг — **Евгений Алексеев**, аҕам саастаахтарга — **Александр Румин**.

Үөһэ бүлүүлэр бастаатылар

Олунньу 22 күнүгэр Бүлүү бөлөбүн улуустарын инбэлиит-тэрин 10-с төгүлүн ытыгылар культурнай-спортивной фестиваллара быйыл Сунтаарга ытытылынна.



Фестивальга Үөһэ Бүлүүттэн, Ньурбаттан уонна Сунтаартан 100-тэн тахса күрэхтэһээччи — флешмоб, остуол тенниһэ, хабылык, хаамыска, дуобат, саахымат, буулдьанан ытыы, голбол, олон эрэ волейбол көрүннэргэ күөн көрүстүлэр.

Түмүккэ, 1-кы миэстэни Үөһэ Бүлүү, 2-с миэстэни Сунтаар, 3-с миэстэни Ньурба хамаандалара ыллылар. Эһиилги маньык фестиваль Күөх Ньурбаҕа ытытыллыаҕа.

«Дьулурубан».

улуустан сонун

Эрхан Саввин сырдык аатыгар...

Анал байыаннай дьайыы кыттыылааба, "Эр санаа" уордун, "Хорсунун иһин" II степеннээх, Жуков аатынан мэтээллэр кавалердара, чабылхай талааннаах уолбут Эрхан Саввин кэриэһигэр Баатаҕай нэһилиэгэр дуобат күрэхтэһиитэ ытытылынна.

Олунньу 16 күнүгэр хорсун буйун Эрхан Саввин баара буоллар 24 сааһын туолуо эбит. Эрхан оскуола сааһыттан дуобат көрүнүн ордук сөбүлээн оонньообута. Онуоха төрөөбүт нэһилиэгэр улуус нэһилиэктэрин икки ардыларыгар хамаанданан уонна биирдүүлэн бастыыр иһин күрэхтэһии маннайгы төгүлүн тэрилиннэ.

Барыта аҕыс нэһилиэктэн 9 хамаанда, 108 кыттааччы күөн көрүстэ, сыты киирсиллэри көрдөрдө. Хамаандаҕа оскуола

кыра кылааһын үөрэнээччилэриттэн саҕалаан эмэнигэр тийэйэ, барыта 12-лии киһи илин-кэлин түһүстэ.

Күрэхтэһии түмүгүнэн Лөгөй — үһүс, Найахы — иккис, Мүрү — маннайгы миэстэлэри ыллылар. Кыайыылаах хамаандаҕа көһөрүллэ сылдьар кубок туттарылынна. Маны таһынан чабылхай оонньооччуларга, хамаандалары тэрийэн аҕалбыт салайааччыларга анал ааттар туттарылыннылар.

Күрэхтэһии көбүлээччилэрэ, сүрүннээччилэрэ РСФСР норуотун үөрэҕириитин туйгуна, спорт бэтэрээнэ Николаев Н. А., буйун аҕата Саввин А. Н. тэрээһингэ көмөлөспүт, спонсордаабыт, кыттыыны ылбыт дьонно махталларын биллэрдилэр, инникитин да бу күрэхтэһии үгэскэ кубулуйан, үгүс дьону түмэригэр баҕа санааларын эттилэр.

Бар дьон эйэлээх олоҕун иһин дьоруойдуу сырдык тыыннара быстыгыт уолаттарбытын ахтан-санаан, кинилэр Албан ааттарын үйэтитэр — биһиги, тыыннаахтар, ытык изэспит буоларын умнубаппыт.


Августина ПЕРМЯКОВА,
Баатаҕай библиотекара.
Уус Алдан.



саҕа кинигэ

«Суол хаалларбыт чабылхай тустуук»

Итинник ааттаах саҕа кинигэни Алексей Дмитриевич Яковлев, Татьяна Николаевна Зырянова, Людмила Николаевна Макарова хомуйан, бэлэмнээн таһаардылар. Кинигэ сүрэхтэһиитэ соторуутаабыта, Иннокентий Зырянов кэриэһигэр көңүл тустууга республикатааҕы күрэхтэһии кэмигэр Намна ытытылынна.



Кинигэ кытаанах тастаах, хаачыстыбалаах, үйэлээх гына оноһуллубут. Бэрт халыг көстүүлээх, 208 страницалаах буолбут. Быһата, бэртээхэй кинигэ оноһуллан тахсыбыт. Этэргэ дылы, киһи кинигэлээхпин дири кинигэтэ.

Саха дьонно тустууга таптаула улахан. Улахан көрдөрүүнү ситиспит, дойдularын ааттаһыт тустууктар уруккуттан билингэ диэри биһиэхэ ыгыт-табылынан туһаналлар. Кинилэр тустарынан манньк кинигэлэр бэчээттэнэн тахсыылара, ааттарын үйэтитиилэрэ хаһан баҕарар кэрэхсэбиллээх. Иннокентий Зырянов туһунан кинигэ саха тустуугун 70 сыллаах кэрэ бэлиэ сылыгар тахсыбыта бэйэтэ ураты өйдөбүллээх, кизэн туттуулаах.

Кинигэҕэ Иннокентий Зырянов олоҕун кэрчиктэрэ саас-сааһынан суруллар. Ол курдук, биригэ төрөөбүттэрин, аймактарын, кылааһынныктарын, доҕотторун истин ахтыылара бэчээттэммит. Олимпийскай чемпион Павел Пинигин, аан дойду түөрт төгүллээх чемпиона, Олимпиада-1980 боруонса призера Сергей Корнилов, библиилээх бөҕөстөр Григорий Христофоров, Василий Гоголев, Руслан Попов уо. д.а. ахтыылара, суруйуулар кинигэни сэргэспиттэр.

Иннокентий Зырянов аатынан тустуу күрэхтэһиилэрин түмүгэ түмүллэн киллэриллибитэ — кыттыгыт, миэстэлэспит спортсменнарга үтүө өйдөбүл, отгон спорду сэнээрээччилэргэ сэдэх статистика буолуо дии саныбын. Ол курдук, И.Н. Зырянов аатынан бастакы күрэхтэһии кыайылаахтарынан: Иосиф Корнилов, Юрий Афанасьев, Семен Семенов, Александр Оконешников, Михаил Захаров уо. д.а. буолбуттар. Кинилэр

кэлин Сахаларын сири дорҕоонноохтук ааттаһыт, билигин олох араас эйгэтигэр ситиһиллээхтик үлэли-хамсыы сылдьаллар.

Аны олох сайдыытын батыһан кюар код киллэриллибитэ кинигэни өссө сайыннаран биэрэр дикххэ сөп. Ону тэнэ Иннокентий Николаевич олоҕун көрдөрөр элбэх хаартыскалар киирэн, кинигэни байытан биэрбиттэр.

Ити курдук, биллиилээх бөҕөс Иннокентий Зырянов сырдык аага үйэтитиллэр. Манна даҕатан этгэххэ, кини кэриэһигэр 1999 сылтан оҕолорго республикатааҕы түһүлгэ ыытыллан сылтан сыл ахсын тэрээһинэ тулсан, таһыма үрдээн иһэр. Ону тэнэ төрөөбүт Үөдэйигэр спорт саалата Иннокентий Зырянов аатын сүгэр. Аны кини туһунан кинигэ табыста. Кинигэ — үйэлээх өйдөбүнүк, этэргэ дылы, суруллубут — суоруллубат. Кинигэ аага да этэринэн, кырдык, билигин биһиги кэккэбитигэр суохтарын да үрдүнэн, олох араас эйгэтигэр бэлиэ суолу-иһин хаалларбыт үтүө дьоммут ааттара-суоллара умнулуо суохтаахтар.

Түмүккэ, кинигэни онорон таһаарбыт Алексей Дмитриевичка, Татьяна Николаевнаҕа, Людмила Николаевнаҕа, хас да сыл дыһынан туран, туруоруммут сыалларын-соруктарын ситиһиллээхтик толорбуттарынан эбэрдэ уонна махтал! Кинигэ хайдах курдук улахан сыраллаах үлэттэн оноһуллан тахсарын бэйэбинэн билэбин.

Иннокентий Зырянов (1958–1997) — көңүл тустууга ССРС чемпионатын боруонса призера, Сэбизскэй Сойуус Сэбилэниилээх Күүстэрин күрэхтэһиитин кыайыылааба, норуоттар икки ардыларынааҕы турнирдар призера, Москва куорат чемпиона, ССРС спордун норуоттар икки ардыларынааҕы кылаастаах маастара.

Петр ПАВЛОВ.

биһиэхэ суруйаллар

Олоҕум миэнэ — умсулҕан айан...



тах", "Хайа сахата", "Улахан ыһыах", "Махтана санаатым" диэн гитара доһуһуулаах ырыаларын доһуйа иһиттилэр, тэннэ ылластылар.

Лэгэнтэй саха култууратын сайыннарыыга, киннэ эйгэтигэр доһуннаах үлэни ытар, ураты суолу хаалларар айар куттаах киһи, дириг ис хоһоонноох ырыалара ыччаты, дьону-сэргэни иитэр сыллаахтар.

Лэгэнтэйгэ кэлэн ыалдыт-таабытыгар истинник махтанабыт, айар үлэтигэр үрдүк ситиһиилэри баҕарабыт, кини алгыстаах тыллара оҕолорбутун үрдүккэ кынаттаатын!

Алла СИВЦЕВА,
Р.М. Дмитриев аатынан
Олимпийскай эрэл училищетын
библиотекара.

Ааптар хаартыскалара.

Олунньу 9–14 күннэригэр Р. М. Дмитриев аатынан Олимпийскай эрэл училищетыгар Россияҕа Норуоттарын сомоҕолоһууларын, Саха Өрөспүүбүлүкэтигэр Култуура сылыгар, төрөөбүт тыл уонна сурук-бичик күнүгэр аналаах тыл биридимиттэрин нэдиэлэтэ ытытылынна.

Нэдиэлэ чэрчитинэн биһиэхэ Саха Өрөспүүбүлүкэтин култууратын туйгуна, саха эстрадатын ураты суоллаах-иистээх ырыаһыта, хоһоонһут, элбэх ырыа ааптара, сценарист Иннокентий Васильев-Лэгэнтэй ыалдыттаата.

Күндү ыалдыһыт бэйэтин олоххо көрүүлэрин, дойдуга бэриниллээх буолуу туһунан оҕолору кытары ирээ-хоро сэнэргэстэ, айар үлэтин туһунан кэпсээтэ, чабылхай ырыаларын бэлэхтээтэ.

Ол курдук, оҕолор кини ырыаларын биллэлэр, сэргиллэр, сэнээрэллэр эбит. "Олоҕум миэнэ", "Ол саха буолба-



саха тустуутун 70 сыла



▲ Н.Н. Тарскай.



▲ В.Г. Румянцев.



▲ К.П. Григорьев.



▲ Д.П. Коркин.



▲ Н.Н. Волков.

Тустуу хайдах тэриллибитэй?

2026 сыл — саха тустуутун үбүлүүдээх сыла. Ол курдук, көнгүл тустуу спорт көрүнгүн быһыытынан билиннэн, Саха сиригэр бастакы чемпионат ытыллыбыта 70 уонна Монреалаабы XXI Олимпийскай оонньууларга Павел Пинигин, Роман Дмитриев, Александр Иванов ситиһиилээх кыттыыларын 50 сыллара.

Үһүээннэргэ уонна номохторго сахалар былыр-былыргыттан ыһахтарга хапсабайдаһан уонна курдаһан тусталларын туһунан суруллар.

Билинни кэмгэ, Сэбиэскэй былаас олохтоммутун кэннэ, 1924 сыллаахха французскай тустууга бастакы чемпионат тэриллибитин туһунан Е.К. Суrowецкай, Г.И. Захаров, Н.Н. Тарскай, Е.Д. Кычкин 1960 сыллаахха бэлэмнэн таһаарбыт “Спорт в Якутии” кинигэлэригэр, 8-с страницаҕа сурулла сылдьар. Онно сэттэ бөҕөс кыттыбытыттан Дьокуускай куорат чемпионун аатын Валентин Шевчук ылбыт.

Онон ылан көрдөххө, биһиги республикабытыгар спорт сайдыгын бастакы сылларыгар французскай тустуу баар эбит. Кэлин тустуу бу көрүнгэ классическай дьон буолбута, билигин гректии-римнии тустуу диилэр.

Бастакы көбүлээччилэр

Саха сиригэр спордун историята кэрэһэлиринэн, 1954 сыллаахтан спорду киэн аранаҕа тарҕатыы саҕаланар. Бу сыл эдэр специалисттар, Москва уонна Ленинград куораттартан үөрэхтэрин бүтэрэн төрөөбүт дойдутарыгар кэлбиттэрэ. Кинилэр кэккэлэригэр Ленинград куорат көнгүл тустууга чемпионна Василий Румянцев, бастакы разрядтаах Кирилл Григорьев, Дмитрий Коркин уонна Сталин аатынан Физическай култуура уонна спорт госуударственай институтун ситиһиилээхтик үөрэнэн бүтэрбит Николай Тарскай бааллара.

Дьокуускайга кэлээт, кинилэр физическай култуура уонна спорт үлэтигэр көхтөөхтүк кыттан барбыттара. Ол курдук, көнгүл тустууну, боксаны, ыарахан

атлетиканы дьонно-сэргэҕэ билиннэрини саҕалаабыттара, спорт бу көрүнгүнэн дьарыктаныыны көбүлээбиттэрэ.

Култуура уонна сынныалан пааркатыгар кинилэр аан бастаан спортсменнар уонна элбэх ахсааннаах көрөөччүлэр иннилэригэр көнгүл тустуу хайдахын бэйэлэринэн көрдөрбүттэрэ. Урукку өртүгэр хапсабайдаһыт дьон тустуу сана көрүнгэр секцияҕа суруттарбытынан барбыттара. Манньык бастакы секциялары Чурапчы оройуонун Карл Маркс аатынан холкуонугар Дмитрий Коркин, Бүлүү куоракка Кирилл Григорьев тэрийбиттэр. Оттон киин куоракка көнгүл тустуу бастакы тренердэринэн Василий Румянцев уонна Иван Малыхин буолбуттар.

Дьокуускайдаагы пединститутка секцияны Николай Тарскай тус бэйэтинэн тэрийбитэ. Спорт сана көрүнгэ саха ыччаттын сэнээриитин ылбыта. Н.Н. Тарскай көбүлээһининэн Москвадан Иван Морозов, Ташкентан Владимир Гуляев дьон тустуу специалисттара ынгырыллан кэлэн, анал семинардары ыыппыттара.

Ити курдук, спорт сана көрүнгүн көбүлээччилэр күүстэринэн көнгүл тустуу Саха сиригэр киэнник тарҕанан барбыт, дьарыктанааччылар ахсааннара улаатан, эбиллэн испит.

1956 сыл Саха сиригэр спорда олоҕор кэрэ бэлиэ түгэннэрдээх буолбутун ааһан, истэн билэбит. Ол курдук, көнгүл тустуу, бокс, ыарахан атлетика сайдыы суолугар үктэммиттэрэ. Холкуостарга, тэрилтэлэргэ, үөрэх кыһаларыгар спорт бу сана көрүнгүнэргэр секциялар аһыллан үлэлэрин саҕалаабыттара. Бу сыл республика бастакы чемпионаттара тэриллибиттэрэ, дьон үһүс ахтылыбыт “Спорт в Якутии” кинигэҕэ суруллар.

Дьокуускай чемпионата

Ол курдук, “Спартак” стадион павильонугар Дьокуускай куорат үрдүнэн бастыыр иһин күрэхтэһии буолбута (Николай Босиков суруйуунан). Оттон Родион Кривогорницын бэлэмнээн таһаарбыт “История вольной борьбы Якутии” (1956–2016) кинигэҕэ, ити күрэхтэһии “Буревестник” ДСО саалатыгар ытыллыбыта дьон суруллубут (8-с стр). Хайта сөп эбитэ буолла?

Ити күрэхтэһиигэ бэйэтэ кыттан иккис буолбут Николай Босиков, билэргит курдук, географическай наука кандидата этэ. Сэрэйдэххэ, Николай Петрович барыны бары бэлиэтэнэ, суруна сылдыбыт буолуохтаах.

Манна даҕатан эттэххэ, спорт историятын, бэлиэ күннэри билээри урукку хаһыаттары, кинигэлэри хасыһан ааһан көрдөххө, хаһан баҕарар ытыллыбыт тэрэһиннэр, эбэтэр күрэхтэһиилэр сыллара, биридэ эмэ ыйдара суруллар. Ол онугар буолбут күннэрдэҕэ, ханнык саалаҕа дуу, кулуупка дуу, стадионна дуу ытыллыбыттара бэрт сэдэхтик ахтыллар. Оттон, Н.П. Босиков уруккуну сырдатан суруйар буоллабына, хайаан даҕаны күнүн-дьылын ыйан суруйар эбит.

Дэ, ол олунньу 12–13 күннэригэр буолбут Дьокуускай куорат көнгүл тустууга баста-

кы күрэхтэһиигэр бэйэлэрин ыйааһыннарыгар бастаабыттар: Михаил Баранов, Конон Попов, Ким Марков, Иван Малыхин, Василий Румянцев, Григорий Семенихин.

Саха сиригэр чемпионата

Оттон Саха сиригэр көнгүл тустууга бастакы чемпионата Саха драматическай театрыгар олунньу 23–24 күннэригэр буолбута.

Көнгүл тустууга бүтүн Саха сиригэр үрдүнэн бастыыр иһин бастакы күрэхтэһиигэ 34 бөҕөс кыттыбыт. Күрэхтэһии сэттэ ыйааһынна ытыллыбыт. Булун, Үөһээ Дьааны, Бүлүү, Чурапчы, Үөһээ Бүлүү, Ньурба, Орджоникидзевскай уонна Дьокуускай спортсменнара күөн көрсүбүттэр.

“Кыра ыйааһынна (52 кг) Булунтан хомсомуол үлэһитэ Семен Алексеев икки ыраас кыайыны ситиһэн бастакы чемпионунан буолбута. Чэп-чэкигини ыйааһынна (57 кг) Михаил Мастерских утарсааччыларын кыайталаабыта. Сэттэ бөҕөс кыттыбыт 63 кг ыйааһынна кыайылаабынан Эһэ Хайаттан Николай Савинков тахсыбыта. Бүлүүттэн Кирилл Григорьев (73 кг) үс утарсааччытын ыраастык, үс утарсааччытын очконан кыайталаан бастаабыта. Владимир Ефремов (Ньурба), Егор Васильев (Чурапчы), Иван Малыхин, Дмитрий Данилов уон-

на Игорь Калашников (үһүөн Дьокуускай) 79 киилэҕэ күөн көрсүүлэригэр биир да хотторуу очкота суох бастакы разрядтаах Иван Малыхин кыайбыта. Учуутал идэлээх Василий Румянцев (87 кг) улахан утарсыта суох бэйэтин ыйааһыннарыгар бастаабыта. Оттон ыарахан ыйааһынна — 97 кг, үс утарсааччытын кыайан, республика чемпионунан Геннадий Семенихин буолбута”, — дьон “Спорт в Якутии” кинигэҕэ сырдаттылар.

Туомтуу тардыы

Онон Саха сиригэр көнгүл тустуу бастакы саҕалананыта Николай Николаевич Тарскай, Василий Гаврильевич Румянцев, Кирилл Петрович Григорьев, Дмитрий Петрович Коркин, Николай Николаевич Волков ааттарын кытта ыкса ситимнээх. Манна өссө оччотооһу республика хомсомуолун тэрилтэтин салайааччы Егор Дмитриевич Кычкины этэһэх сөп. Чуолаан Н.Н. Тарскай республика спорду сайыннарыыга уонна тэниитигэ хомсомуоллары кытта тэннэ быһаарсан үлэлээбитин история кэрэһэлиир.

Быйылгы саха тустуутун 70 сылыгар сөп түбэһиннэрэн, биһиги Сахабыт сиригэр көнгүл тустуу хайдах саҕаланан сайдан барбытын кылгастык билиһиннэрдэххэ дэ итинник. Манна чуолаан, үһүээн, номох эрэ курдук буолбакка, көнгүл тустууну биһиги республикабытыгар бэйэлэринэн төрүттээбит уонна тэрийсбит дьон: Н.Н. Тарскай, Е.К. Суrowецкай, Г.И. Захаров, Е.Д. Кычкин, Н.П. Босиков суруйуулар, сыһыппаралара-чахчыллара туһанылынылар.

Түмүктээн эттэххэ, ааспыт кэм-кэрдии — чопчу, дьиннээх бэйэтэ хайдах баарынан уонна биир сирдээх өйдөбүллээх буолуохтаах. Саха омугу аан дойдуга аатырдыбыт көнгүл тустуубуттар, кини историятыгар ытыктабыллаахтык сыһыаннаһан, салгыы сайдарын туһугар үбүлүүдээх кэрэ-бэлиэ түгэн-эң болҕомто ууруллан, анал тэрэһин ытыгыллара буоллар.

Бэчээккэ бэлэмнээтэ Петр ПАВЛОВ.



▲ Дмитрий Коркин Саха АССР физическай култуураҕа уонна спорда комитетин бэрэссэдээтэлэ Н.Н. Тарскай илиититтэн наҕараада тутар түгэнэ.



Быраатым Уйбаан кэриэһигэр

Уйбаан Бөтүрүөбүс Уһунуускай 1961 сыллаахха ыам ыйын 5 күнүгэр — Сэбиэскэй бэчээт күнүгэр — Уус Алдан оройуонун Дүпсүн нэһилиэгэр күн сириҥ корбүтэ. Кини төрөөбүт дойдутунан олус киэн туттара. Сахабырбылыргыттан ааттара-суоллара доржоонноохтук ааттанар, саха тыллаах эрэ барыта ылынар, билинэр, ытыктыыр, дьонуннаан, суолталаан ааттыыр сирдэрэ бааллар. Кинилэр биһигини, билинги көлүүнэ дьону, түгү былыргы обүгэлэрбитин кытта ситимниир, дириҥ силистиир-мутуктуур аналлаахтар. Дүпсүн сирэ оннук сир.

Быраатым Уйбаан бу орто дойдуга төһө да кылгастык олон аастар, чаччы да чабылхай сулустуу күлүмнээн ааста. Дүпсүн орто оскуолатын үөрэнэн бүтэрээт, төһө да анал тыл үөрэбэ суоһун иһин, айылҕата бэрсибит сүдү талаанынан, төһө да оҕо эрдэбиттэн хараҕынан кыһалҕаны көрүстэр, булгуруйбат күүстээх баҕа санаатынан, киэн билиигэ-көрүүгэ, үрдүккэ тардыһар тулуурунан, дьулурунан Саха тылын сириҥ бастыҥ биллиилээх суруналыһа буолан тахсыбыта.

Уйбаан чаччыта да Саха сириҥ суруналыыстарыттан саамай элбэх Олимпийскай оонньууларга, аан дойду күрэхтэһиһиргэр сылдьан, ол түгэннэрин норуотугар элбэхтэ хаһыаттарга, радиоҕа, телевидениеҕа киэнник сырдаптыт, дьон-норуот биһирэбилин, ытыктабылын ылбыт суруналыыс буолар.

Киһи дыктиргиирэ баар...

Үөһээни айыылар олох анаан ыспыттарын курдук, Уйбаан ыам ыйын 5 күнүгэр — Сэбиэскэй бэчээт күнүгэр — төрүүр. 1979 сыллаахха биһир дойдуба Николай Петрович Босиков быраатым көрдөһүүтүнэн батыһыннан илдьэн табаарыһыттан, «Эдэр коммунист» хаһыат редакторыттан Николай Афанасьевич Герасимовтан-Айталынтан көрдөһөн корреспонденынан үлэбэ киллэттэрэр. Киһи дыктиргиирэ, аны олоһун тиһэх суолугар атаарыта Россия бэчээтин күнүгэр түбэһиитэ буолар.

Идэтибит суруналыыс быһыгынан үлэтин 1980 сыллаахха саҕалаабыта. Үлэлээбит кэмнэригэр «Эдэр коммунист» хаһыакка корреспонденынан, отдел салайааччытынан, редактор солбуйааччытынан, «Илин» сурунаалга кылаабынай редактор солбуйааччытынан, «Саха сирэ» хаһыат анал корреспонденынан айымнылаахтык үлэлээбитэ. Саамай элбэх тиражтаах, дьон-норуот сөбүлээн ааҕар «Эдэр саас» хаһыат кылаабынай редакторынан, «Орто дойду», «Киин куорат» хаһыаттар, «Саха саргыта» альманах редактордарынан олоһун тиһэх күннэригэр диэри үлэлээбитэ.

Суруйааччы, публицист быһыгынан киэн биһирэбили ылбыта. Доһор Иван Николаевтыын хомууан, суруйан таһаарыт «Центральное дело: хроника сталинских репрессий в Якутии» диэн кинигэлэрэ үрдүк сыанабылы ылбыта. Акаде-

миктар А. Сахаров, А.Н. Афанасьев, поэт Е. Евтушенко, суруйааччылар А. Адамович, саха тумус туттар саарынарыйттан норуот суруйааччылар С.П. Данилов, В.С. Яковлев-Далан, учуонайдар Е.Е. Алексеев, М.С. Иванов, В.Д. Михайлов, М.П. Алексеев, уо.д.а. болҕомтолорун тардыбыта, биһирэммитэ.

Мань таһынан Уйбаан Бөтүрүөбүс «Ойууттар уонна удааттар», «Өй уонна Күүс, Тулууру уонна Дьулуур», «Оо, Сахаачча, Сахаачча» диэн дьонун кинигэлэри суруйан таһаарбыта.

Сыаналааһын, билини бэлиэтэ

1986 сыллаахтан ыла Советскай Союз, 1991 сылтан Россия Суруналыыстарын сойуһун чилиэнэ. 2021 сыллаахха В.В. Никифоров-Күлүмнүүр аатынан государственнай бириэмийэ лауреата. Саха Республикатын үтүөлээх үлэһитэ, Саха Республикатын бастакы президени М.Е. Николаев фондун «Во славу и пользу республики» мэтээлин хаһаайына. Саха бэчээтин ыччакка бэлиитикэтин туйгуна, Уус Алдан улуһун, Дүпсүн нэһилиэгин уонна Нам улуһун Хагырык нэһилиэгин бочуоттаах олохтооҕо, Саха Комсомолун бириэмийэтин лауреата.

Быраатым Уйбаан Бөтүрүөбүс олоһун биһир саамай улахан ситиһиитинэн Саха АССР XII ынырыылаах Үрдүкү Сэбиэтин депутата буолбутун ордук бэлиэтээн миэхэ сэнэргиир буолара. Саха сириҥ суверенитетын олоххо киллэрситинэн олус киэн туттара. Чаччыта даҕаны Саха сириҥ суруналыыстарыттан икки эрэ киһи депутат үрдүкү аатын сүкпүтэ. Бу эмиз бэйэтэ туспа ситиһи буолар.

Саха сириҥ бастакы президени М.Е. Николаевка көмөлөөччүнэн сылдыһытын, кинилин Хотугу полуска тийэ сылдыһытын олоһун биһир умнуллубат кэрэ бэлиэ түгэннэрэ диэн олус астына ахтара.

Оҕо саас кэмнэригэр

Мин быраапынан оҕо саастан биһиргэ алтыспыт убай киһи буоларым быһыгынан, оҕо саас кэмнэригэр ахтан-санаан ааһыым. Төрөппүтүгэрбит лаппа сааһыран баран иккис олохторун холбоонор, аҕам биһир уоллаах, ийэм үс батыһыннары уоллаах холбоспуттара. Ол олохторун холбоон баран-

нар, эбии үһүс оҕонон Уйбааны аҕам 67 сааһыгар, оттон ийэм 46 сааһыгар төрөттөллөр. Аҕам 1894 сыллаахха, ийэм 1915 сыллаахха төрөөбүттэрэ. Этэргэ дылы, олус ыарахан гражданскай да, Аҕа дойду уоттаах сэриитин да кэмнэрин ааспыт, үөрэбэ суох боростуой колхозтаахтар этэ.

Ийэбит, мин киһини өйдүүр буолуохпуттан, ыарыһах этэ. Сотору-сотору сүрэбинэн, хаанын багтааһына эрээдээн, балыһаҕа киһирээ. Оччоҕо биһиги ийэтин сүтэрбит куст оҕолорунуу курс түгэннэ киһиргэлээн ыларбыт. Аҕабыт айылҕаттан ананан кэлбит, олус күүстээх уохтаах, бөдөн-садан, бу дойдуттан барыар иннинэ 92 сааһыгар диэри күүһэ-уоҕа уостубакка үлэни өрө туһуттунуу саарына, ытык кырдыаҕа этэ. Саха сириҥ тарбахха баттанар үтүөлээх булчута этэ. ССРС социалистическай куоталаһытын туйгуна (отличник Социалистического соревнования промышленности продтоваров СССР). РСФСР, Саха АССР Бочуотунай грамоталардаах. Саха сириҥ бастакы интеллигенциятын төрүттэспит В.В. Никифоровы-Күлүмнүүрү, Афанасьевтары уу хараҕынан көрбүт-истибит буолан, кинилэри олус истинник саныыра, ахтара. Дүпсүннэ баар таһаар дьэтин сууларбыттарын олус айыыргыра. 60-с сыллар саҕалааныларга биһир мунньахха тии-



ийн айдаарбытын, кырдыаҕастар уос номоҕо онгостон кэпсииллэрэ. Партиялаахтар мунньахтары сөбүлээбэккэ: «Иннигит кыһыл сулус, кэннигит бар киһирээ», — диэн баран кыһыран тахсан барбыт. Олохпут кини эппитин курдук буолбута дии.

Аҕам Уйбааны олох кыра эрдэбиттэн эппитэ: «Бу уол суруйааччы буолуо, айаҕын онон ииттэниэ». Аны аймах уолбутун, үс саастаабыттан, бу уол учуонай буолуо диэбитэ, кырдык да, В.В. Ушницкай историк-учуонай буолан тахсыбыта.

Быраатым алтыс кылаастан ыла саҕалаан тустууга интэриһэ киирбитэ. Сэттис кылаастан хаһыаттарга оройуонун күрэхтэһиитин сырдатан суруйар буолбута. Оччолортон олус ылларан сахалыы кинигэлэри ааҕара. Сэбиэскэй кэмнэ тыа сириҥ үлэтин-хамнаһын сырдаттаары хаһыат үлэһитэ кэлбит үһү диэн сурах дэриэбинэни толорон кэбиһэрэ. Биһиги аҕабыт туһунан суруйаары эмиз кэллэлэрэ. Ону быраатым олус сэргии, сэнээрэ көрөрө-истэрэ.

Уйбаан суруналыыс эрэ буолбатах. Кини 90-с сылларга аан бастакынан омул сиригэр, Японияҕа, саха аатырбыт бухатыыра Ооккону батыһыннанан, мас тардыһы көрүүнү көрдөрөн турар. Араас элбэх ыччаты түмэр шуулары тэрийэрэ. Ыччаттары түмэр далааһыннаах хамсааһыннары ытыра.

Норуот суруйааччытынын билиһиннэриитэ

Сайын уопускаатын кэмэ. Биһир күн быраатым телефоннаата. Мин маҕаһынгна бородуукта атыһаа сылдыһын. Норуот суруйааччыта Василий Васильев-Харысхал «Дыгын Дархан» ресторанта ынырда, миһин онно илдьэн биһир эрэ диэн көрдөстө. Мин тутта сөбүлэһэммин, кинини ыла тийдим. Быраатым сүрдэбин санаата көтөҕүллүбүт. Кэпсээнэ-ипсээнэ баһаам, ыһа-тоҕо кэпсээтэ.

Икки хонуктааһыта норуот суруйааччыта Николай Лугинов дойдутуттан кэлэн, даачытыгар баран иһэн Кэбээйи соботун бэрсэн ааста диэн астына кэпсээтэ. Ол олордохпутуна телефон тыһаата. Уйбаан: «Бу убайынан баран иһэбин», — диэтэ. Онуоха Харысхал эттэ:

«Хата убайыгын илэ көрөр буоллум. Киһирдиг, биһиргэ аһыахпыт», — диэбитэ.

Ити курдук Харысхал хаһаангыттан эрэ билэр киһитин курдук истинник көрсүбүтэ. Син балайда уһуннук сэнэргэспиттэрэ. Олох туспа эйгэлээх дьон эбит диэн сыаналаабытым. Харысхал ыйыгыларыгар Уйбаан бэрт элбэҕи кэпсээн иһэрэ. Бэйэ-бэйэлэрин биллилэринэн ситэрсэн-хоторсон биһирэлэр эбит дии санаабытым.

Быраатым кэлин кэксэ кэмнэргэ хараҕынан лаппа мөлөөтөн олус хараастара. Муспут, бэлэмнээбит үлэлэrim элбэхтэр да, кыайан кинигэ онорон таһаарбатым диэхтирээ. Быдан дьылларга бырастыы, быраһаай, быраатым барахсан. Биһиги эйгин куруук өйдүү-саныы сылдыһахпыт.

Кини тиһэх суолугар атаарыыга күүс-көмө буолбут Саха Республикатын Ил Дарханын уонна Правительствотын дьаһалтатын салайааччытыгар Г.Н. Михайловка, СР Инновацияҕа, сыһыспаранан сайдыыга, инфокоммуникативнай технологияларыгар министр П.В. Николаевка, тиһэх суолугар атаары хамыһыһытын салайбыт министри солбуйааччы Н.А. Потаповка, СР Култуураҕа уонна духуобунай сайдыыга министр А.И. Ноевка, «Сахабэчээт» тэрилтэ генеральнай дириэктэрэ Н.М. Стручковаҕа, сүбэһит В.И. Бочониһа, профком салайааччыта К.А. Борисовка, «Сахабэчээт» коллективыгар, суруналыыстар сойуустарын бэрэссэдээтэлэ О.О. Марковка, бэрэссэдээтэли солбуйааччы Г.А. Бочкареваҕа, «Кэскил» оҕо кыһатын салайааччыта О.И. Семеноваҕа, «Сахамедиа» тэрилтэ салайааччыта В.Д. Колесовка, үөлээннээхтэригэр, доһотторугар, аймахтарбытыгар, биһир дойдубуларбытыгар Уйбаан Бөтүрүөбүс дьэ кэргэнин, эдьиийин, убайын, аймахтарын ааттарыттан дириҥ махталбытын тиэрдэбит.

Бөтүр УһУНУУСКАЙ, убайа, СР физическай култууратын уонна спордун үтүөлээх үлэһитэ, дуобакка Россия гроссмейстера, үрдүк категориялаах тренер.

